



FEDERALNO MINISTARSTVO RAZVOJA,  
PODUZETNIŠTVA I OBRTA

***SMJERNICE ZA PODNOSIOCE PROJEKTNIH PRIJEDLOGA ZA JAVNI KONKURS  
„POTICAJ ZA OPSTANAK STARIHITRADICIONALNIH ZANATA“ ZA 2023. GODINU***

***Mostar, novembar/studeni 2023. godine***

### **Ciljevi projekta**

Projekat „Poticaj za opstanak starih i tradicionalnih zanata“ provodi se u svrhu očuvanja obrtničke tradicije, kulturnog i historijskog nasljeđa poticanjem tradicionalnih i starih obrtničkih djelatnosti kroz sufinansiranje troškova nabavke opreme i repromaterijala, poboljšanje uslova rada i stručnog osposobljavanja zaposlenih.

### **Kriteriji za izbor korisnika sredstava:**

<b>R/b</b>	<b>Kriterij</b>	<b>Način raspodjele bodova</b>		
<b>1.</b>	<b>Namjena utroška sredstava</b>	Oprema	<b>25</b>	bodova
		Objekat	20	bodova
		Repromaterijal	15	bodova
<b>2.</b>	<b>Vrsta djelatnosti</b>	Područje C iz KD BiH 2010	<b>5</b>	bodova
		Ostala područja iz KD BiH 2010	0	bodova
<b>3.</b>	<b>Izvor/ način finansiranja - Predviđeno vlastito učešće obrta u ukupnoj vrijednosti projekta</b>	50,01 % ili više	<b>10</b>	bodova
		30,01 do 50 %	8	bodova
		20,01 do 30 %	6	bodova
		10,01 do 20 %	3	bodova
		do 10,00 %	0	bodova
<b>4.</b>	<b>Broj zaposlenih</b>	3 i više uposlenih	<b>5</b>	bodova
		2 uposlena	2	bodova
		jedan uposleni	0	bodova
<b>5.</b>	<b>Pripadnost ciljnoj skupini</b>	Vlasnik/ca osoba mlađa od 35 godina	<b>5</b>	bodova
		Vlasnik/ca žena	<b>5</b>	bodova
		vlasnik/ca je osoba sa invaliditetom	<b>5</b>	bodova
<b>6.</b>	<b>Ravnomjerniji regionalni razvoj /stepen razvijenosti JLS/</b>	grupa V	<b>10</b>	bodova
		grupa IV	8	bodova
		grupa III	6	bodova
		grupa II	3	bodova
		grupa I	0	bodova
<b>7.</b>	<b>Dosadašnji poticaji od strane FMRPO u posljednjih pet (5) godina</b>	Nije bilo poticaja	<b>30</b>	bodova
		do max. 5.000 KM	20	bodova
		od 5.001 do max. 10.000 KM	15	bodova
		od 10.001 do max. 15.000 KM	10	bodova
		15.001 KM i do max. 20.000 KM	5	bodova
		20.001 KM i više	0	bodova

Bodovanje se vrši na način prikazan u tabeli

Izbor korisnika grant sredstava vrši Komisija za odabir korisnika sredstava. Komisiju za odabir korisnika sredstava imenuje Federalni ministar razvoja, poduzetništva i obrta. Zadatak Komisije je da u skladu sa odredbama Pravilnika o postupcima u provođenju Programa razvoja male privrede ("Službene novine Federacije BiH", br. 50/13, 55/13-isp i 86/13) i na osnovu propisanih kriterija (navedeni u gornjoj tabeli) iz Odluke o usvajanju Programa utroška sredstava – Transfer za podršku tradicionalnim zanatima i Odluke o usvajanju Programa utroška drugog dijela sredstava – subvencije privatnim preduzećima i poduzetnicima, utvrđenih Budžetom Federacije BiH za 2023. godinu Federalnom ministarstvu razvoja, poduzetništva i obrta („Službene novine Federacije BiH“, broj 91/23) i Javnog konkursa, izvrši rangiranje korisnika grant sredstava.

Federalno ministarstvo razvoja, poduzetništva i obrta ( u daljnjem tekstu: Ministarstvo ) će izvršiti raspodjelu sredstava u skladu s utvrđenom rang listom do utroška planiranih sredstava.

Korisnik sredstava je dužan pravdati ukupan iznos sredstava predviđenih za realizaciju projekta, kako vlastitih tako i sredstava Ministarstva, sa odgovarajućom dokumentacijom datiranom poslije dana objave Javnog konkursa odnosno 29.11.2023.godine. Za sva neopravdana sredstva Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti Projekta.

Nakon obrade prispjelih prijava Ministarstvo će objaviti rezultate Javnog konkursa u "Službenim novinama Federacije BiH" i na internet stranici Ministarstva [www.fmrpo.gov.ba](http://www.fmrpo.gov.ba), a podnosioci prijava se neće pojedinačno obavještavati.

### **Korisnici sredstava**

Obrtnici koji obavljaju tradicionalni i stari zanat na osnovu rješenja o registraciji koje je donijelo nadležno općinsko/gradsko tijelo i koje je usaglašeno sa Zakonom o obrtu i srodnim djelatnostima u Federaciji Bosne i Hercegovine („Službene novine Federacije BiH“ broj: 75/21), čija djelatnost se nalazi na popisu tradicionalnih i starih zanata i istu obavljaju u skladu sa Uredbom o zaštiti tradicionalnih i starih zanata („Službene novine Federacije BiH“, br. 28/22), imaju sjedište na području Federacije Bosne i Hercegovine, registrovani su najkasnije do 31.12.2022. godine, te imaju najmanje 1 (jednog) zaposlenog.

### **Sadržaj prijave**

Prijava obavezno sadržava:

#### **I. Pravilno popunjen Zahtjev za uključivanje u projekat – elektronski popunjen**

- Podaci o podnosiocu zahtjeva - Popuniti sva polja u poglavlju

#### **II. Pravilno popunjen Obrazac projekta**

- U poglavlju 1. - Sažetak projekta, ukratko opisati elemente planiranog projekta, cilj i način na koji će on doprinijeti razvoju predmetnog obrta;
- U poglavlju 2. – Namjena utroška finansijskih sredstava -maksimalan iznos koji se može tražiti od Ministarstva je 3.000 KM. Viši zahtijevani iznosi od max dozvoljenih, znače automatsko odbacivanje zahtjeva;
- Podaci o nabavci opreme - navesti tražene podatke za opremu kojase namjerava nabaviti, upisati iznose vrijednosti opreme i procenat učešća opreme u ukupnoj vrijednosti projekta,
- Podaci o ulaganju u objekat, navesti tražene podatke za objekt u kojise namjerava ulagati, upisati iznose vrijednosti ulaganja i procent učešća ulaganja u objekt u ukupnoj vrijednosti projekta,
- Podaci o nabavci repromaterijala, navesti tražene podatke za repromaterijal koji namjeravate nabaviti, upisati iznose vrijednosti repromaterijala i procent učešća repromaterijala u ukupnoj vrijednosti projekta,
- Učešće u realizaciji projekta - upisati koliki iznos se finansira vlastitim sredstvima, a koliki iznos sredstvima ministarstva. Isto to upisati i u procentualnom iznosu. Ukupan iznos sredstava za finansiranje projekta mora biti jednak zbiru prethodne 3 tabele u Poglavlju 2. i pravda se ukupan iznos sredstava predviđenih za realizaciju projekta;
- U poglavlju 3. – Period implementacije projekta, naveden je vremenski period u kojem će se projekat realizovati - 6 mjeseci.

Na obrascu projekta obavezno navesti mjesto, datum, potpis odgovorne osobe i staviti pečat obrta.

## **1. Potrebna dokumentacija**

- Rješenje o registraciji od nadležnog općinskog/gradskog organa, usklađeno sa Zakonom o obrtu i srodnim djelatnostima („Službene novine Federacije BiH“ br: 75/21) i Uredbom o zaštiti tradicionalnih i starih obrta ("Službene novine Federacije BiH", br. 28/22),
- Uvjerenje o poreznoj registraciji ( ID broj ),
- Obavijest o razvrstavanju subjekta prema klasifikaciji djelatnosti (Zavod za statistiku, KD BiH 2010),
- Uvjerenje od Porezne uprave Federacije BiH o izmirenim obavezama po osnovu poreza i doprinosa, **sa brojem ili listom osiguranih osoba za obveznika**,
- Rješenje o plaćanju poreza u paušalnom iznosu ili drugi dokaz o plaćanju poreza u paušalnom iznosu izdat od Porezne uprave Federacije BiH ,
- Potvrdu o prebivalištu za vlasnika/vlasnicu obrta (CIPS),
- Uvjerenje o invalidnosti od nadležnog organa (ukoliko je vlasnik/vlasnica invalid),
- Izjava o realizaciji projekta (I - 1),
- Izjava o neosuđivanosti i nevođenju postupka po osnovu privrednog kriminala (I - 2)
- Izjava o nesudjelovanju u koruptivnim radnjama (I – 3),
- Izjava o korištenim pomoćima male vrijednosti (I - 4).

Navedenu dokumentaciju potrebno je priložiti uz Zahtjev za uključivanje u projekat -obrazac projekta, složenu po datom redosljedu.

Svi dokumenti obavezno trebaju biti izdati od strane nadležnih organa. Priloženi dokumenti nemogu biti stariji od 3 (tri) mjeseca od dana objavljivanja Javnog konkursa u "Službenim novinama Federacije BiH", izuzev rješenja o registraciji, uvjerenja o poreznoj registraciji, obavijesti o razvrstavanju subjekata prema klasifikaciji djelatnosti i rješenja o plaćanju poreza u paušalnom iznosu. Sve priložene kopijedokumenata obavezno trebaju biti ovjerene od strane nadležnih organa ovjerom ne starijom od 3 (tri) mjeseca od dana objavljivanja Javnog konkursa u "Službenim novinama Federacije BiH".

## **2. Obrasci izjava**

Sve Izjave sa tekstom koje je sačinilo ovo ministarstvo trebaju biti čitko popunjene i potpisane od strane odgovorne osobe – podnosioca zahtjeva.

Izjava I-1 i Izjava I-4 - obavezno ovjereno pečatom firme.

Izjava I-2 i Izjava I-3 -obavezno ovjereno od strane nadležnih upravnih organa ili notara.

### **Način podnošenja prijave**

Prijave sa odgovarajućom dokumentacijom, dostavljaju se neposredno ili preporučeno poštom u zapečaćenim kovertama na adresu:

**Federalno ministarstvo razvoja, poduzetništva i obrta,  
dr. Ante Starčevića b.b. (Hotel „ERO“), 88000 Mostar**

s naznakom:

**Ne otvarati – po Javnom konkursu za Projekat  
„Poticaj za opstanak starih i tradicionalnih zanata“ za 2023. godinu**

Na poleđini koverte obavezno navesti:

- naziv – ime podnosioca prijave;
- adresu i kontakt telefon;
- ovjeriti pečatom podnosioca prijave

Prijave se dostavljaju zaključno sa 13.12.2023.godine odnosno prihvatit će se prijave koje imaju poštanski pečat najkasnije sa navedenim datumom.

*Prijave će biti odbačene i neće biti predmet daljnjeg razmatranja ako:*

- *su neblagovremene,*
- *nemaju sve sadržajne elemente,*
- *ne ispunjavaju uslove ovog Javnog konkursa,*

### **Pravo učešća**

*Korisnici poticajnih sredstava koji do završetka ovog Javnog konkursa nisu izvršili svoje ranije preuzete obaveze po osnovu korištenja poticajnih sredstava Ministarstva, nemaju pravo učešća na ovom Javnom konkursu odnosno takve prijave se neće uzeti u razmatranje.*

*Pravo na učešće i dodjelu finansijskih sredstava se može ostvariti samo po jednom Javnom konkursu koji raspisuje ovo ministarstvo u tekućoj godini (kredit ili grant).*

### **Napomena**

*Obavezno je zadržati broj uposlenih radnika do trenutka podnošenja izvještaja o realizaciji utroška dodijeljenih finansijskih sredstava, što se dokazuje listom osiguranih lica izdatom od nadležne Porezne uprave Federacije BiH*

*Sa krajnjim korisnicima Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.*

*Podnosioci prijave čije se prijave odbace, imaju pravo uložiti prigovor Ministarstvu u roku od 8 (osam) dana od dana objave rezultata Javnog konkursa u "Službenim novinama Federacije BiH", radi provjere činjenica i objektivnosti ocjene prijave.*

*Sve dodatne informacije vezane za ovaj Javni konkurs mogu se dobiti isključivo putem elektronske pošte, najkasnije 3 (tri) dana prije isteka roka za podnošenje prijave na adresi: [grant@fmrpo.gov.ba](mailto:grant@fmrpo.gov.ba).*